



UNIVERSITÄTS-
BIBLIOTHEK
PADERBORN

Theologiæ Sacramentalis Scholasticæ Et Moralis Pars ...

Ad Mentem Doctoris Subtilis Ioannis Duns Scoti D. Augustino conformen

In qua tractatur de Virtute ac Sacrameto Pœnitentiæ

Bosco, Jean a

Lovanii, 1670

Concl. IV. Ad Contritionem charitate perfectam requiritur, quòd sit elicitus
actus charitatis, aut saltem imperatus.

[urn:nbn:de:hbz:466:1-73393](https://nbn-resolving.org/urn:nbn:de:hbz:466:1-73393)

Ubi nulla sit specialis mentio dilectionis Dei, sed solius conversionis & Pœnitentiæ, quæ indubiè in detestatione peccati propter Deum; Pœnitentia quidem in detestatione, conversio autem in ly *Propter Deum*, quod significatur Deum, seu bonitatem divinam esse finem illius detestationis; quomodo autem possum operari propter finem sine conversione ad finem? Non est conceptibile.

Hinc David peccator, adulter utique & homicida, cum dixisset 2. Reg. 12. v. 13. *Peccavi Domino*, statim meruit audire ex ore Nathanae Prophete: *Dominus quoque transfudit peccatum tuum*. Cur hoc nisi quia propter Deum detestabatur suum peccatum? Unde non dixit simpliciter: *Peccavi*, sicut dixerat Saul 1. Reg. 15. v. 24. *Dixitque Saul ad Samuelem: Peccavi, quia prevaricatus sum &c.* Et sicut legitur de Juda Iscariote Matth. 27. v. 2. *Peccavi tradens sanguinem istum*, qui etiam propterea non meruerunt audire: *Dominus quoque transfudit peccatum tuum*; sed addidit Propheta Regius ly *Domino*, dicens: *Peccavi Domino*.

Quod etiam observavit Psalm. 31. v. 5. ibi: *Dixi, confitebor adversum me iniquitatem meam Domino, Domino*, inquit, id est, propter Dominum seu bonitatem divinam in se, & continud atexit: *Et tu remisisti impietatem peccati mei, absque ulteriori actu dilectionis*, quoniam illa confessio erat verus & proprius actus dilectionis.

Sed numquid ad remissionem peccatorum extra Sacramentum requiritur talis confessio, adeo ut non sufficiat detestatio peccatorum ex motivo religionis, obedientiæ, Pœnitentiæ specialis &c. etiam quando adest motivum extrinsecum charitatis, id est, verus actus charitatis imperans huiusmodi detestationem? Respondeo:

CONCLUSIO IV.

Ad Contritionem charitate perfectam requiritur, quod sit elicitus actus charitatis, aut saltem imperatus.

Est communis contra nonnullos qui putant sufficere detestationem peccati ex motivo obedientiæ, vel religionis, aut Pœnitentiæ specialis; quia, inquiunt, illa est perfecta aversio à culpa, cui in Scriptura promittitur remissio peccati, nulla facta mentione motivi dilectionis Dei super omnia: idque videtur postulare humana fragilitas, quæ raro trahitur motivo dilectionis, frequentius verò motivo obedientiæ, religionis, aut Pœnitentiæ specialis. Cum ergo frequentissimus sit lapsus, non debuit adeo difficilis & rara assignari medicina.

Confirmatur ex communi fidelium apprehensione, qui tunc putant se habere veram Contritionem, quando ita dolent de peccatis propter Deum, ut nulla etiam stante penâ vel præmio, damno vel emolumento, eodem modo dolerent, quod totum reperitur, quoties peccatum consideratur in ordine ad solum Deum, vel ut irreverentia, vel ut injuria, vel ut offensâ, tamen absit motivum rigorosæ dilectionis.

Et si objicias ipsi: Actus spei quo quis desiderat beatitudinem, & ex hoc desiderio dolet de peccatis, est nobilior, & tamen non sufficit.

Responderi, inquiunt, posset imprimis, Durandum 4. dist. 17. q. 2. dicere, dolorem illum ex motivo spei sufficere; quamvis enim non sit amor amicitiae erga Deum, sed solum concupiscentiæ, equidem est verus amor, & in nobismetipsis experimur, gaudere nos, quando amatur hoc amoris genere, non enim potest esse hic amor, nisi ex bonitate, quæ apprehenditur in ipso objecto amato: breviter, talis amat Deum sibi propter Dei bonitatem.

Atque huic sententiæ videtur adstipulari Doctor Subtilis 4. dist. 14. q. 2. n. 14. ubi docet, Contritionem perfectam posse provenire ex consideratione peccati, ut impeditivi præmii, & inductivi supplicii. Verba ejus sunt: *Ad huius intellectum sciendum, quod peccator in peccato existens... potest ex naturalibus tum communi influentia considerare peccatum commissum, ut offensivum Dei, & ut contra legem divinam, & ut aversivum à Deo, & ut impeditivum præmii, & ut inductivum supplicii, & sub multis talibus rationibus; & potest voluntas ipsum sub aliqua illarum rationum, vel sub multis illud peccatum se consideratum detestari, & ille motus potest continuari, & intendi ante infusionem gratiæ.*

Potest etiam ista detestatio esse totaliter circumstantionata circumstantiis moralibus debitis: non est enim verisimile, quod necesse sit propter peccatum istud remanens, actum quemcumque circa peccatum commissum esse defectivum in aliqua circumstantia morali. Iste autem motus dicitur Attritio (tempore Scoti, nunc Contritio charitate perfecta) & est dispositio sive meritum de congruo ad deletionem peccati mortalis, quæ sequitur in ultimo instanti ultimi temporis in quo tempore ista Attritio duravit. Hucusque Scotus pro sententiâ, ut apparet Durandi. Dico, ut apparet, quia reverâ nihil tale ibi docet, ut constabit ex infra dicendis.

Ceterum quoniam hæc doctrina, quam adscribunt Durando, minus consona invenitur Concilio Trid. sess. 14. cap. 4. ubi statuit Contritionem imperfectam, quæ Attritio dicitur, quoniam vel ex turpitudinis peccati consideratione, vel ex gehennæ & pœnarum metu communiter concipitur, tamen voluntatem peccandi excludat, cum spe veniæ, nihilo-

& confirmatur ex communi fidelium apprehensione.

125. Objectio.

Solvitur.

Durandus dicit sufficere re dolorem ex motivo spei.

126. Pro hac doctrina Scotus dicitur.

127. Durandus dicitur in Concilio Tridentino.

127. Doctrina Durandi minus consona Concilio Tridentino.

nihilominus sine Sacramento Pœnitentiæ ad justificationem non posse perducere, de quo plura suo loco; hinc

Non videtur
valere argu-
mentum à
dolor ex
motivo Re-
ligionis ad
dolor ex
motivo spei.

Respondent secundò ad difficultatem five argumentum propositum, negando Consequentiã. Nam actus aliquis religionis aut fidei, licet ex parte objecti motivi imperfectior, tamen ex aliis circumstantiis, intentione v. g. duratione, difficultate &c. potest esse melior quàm actus aliquis remissus dilectionis, & tamen quicumque actus dilectionis certius & proximius disponit ad justificationem: ergo non bene arguitur, dolorem ex motivo spei debuisse esse dispositionem ultimam ad justificationem, sicuti dolor ex motivo religionis, aut Pœnitentiæ, quia perfectior est.

128.
Affignatur
ratio à prio-
ri.
Tridem.

Et ratio à priori esse potest; quia justificationis exordium consistit in averfione à peccato, & conversione ad Deum, juxta illud Trid. sess. 6. c. 5. *Declarat præterea* (sancta Synodus) *ipsum justificationis exordium in adultis à Dei per Christum Iesum præveniente gratiâ sumendum esse, hoc est, ab eius vocatione, quâ nullis eorum existentibus meritis, vocantur, ut qui per peccata à Deo averfentur, per eius excitantem atque adiuvantem gratiam, ad convertendum se ad suam ipsorum justificationem, eidem gratiâ liberè assentiendo, & cooperando, disponantur.*

129.
Ille actus
certius &
proximius
disponit ad
justificatio-
nem qui
perfectius
avertit à
peccato &
convertit ad
Deum.

Itaque ille actus certius & proximius disponit ad justificationem, qui perfectius avertit à peccato & convertit peccatorem ad Deum; hoc autem melius fit per actum dilectionis, etiam remissum, quàm per actum alterius virtutis, etiam intensum.

Item per detestationem peccati ex motivo religionis, quàm per detestationem peccati ex motivo spei; quia per spem amamus Deum nobis ipsis, ac proinde non totaliter ad ipsum convertimur (sicuti totaliter ab ipso per peccatum fuimus averfi) sed etiam aliquo modo ad nos ipsos: secus per actum religionis, quo homo non amat Deum sibi, sed amat cultum & honorem Dei, & ita illum amat, ut si necessaria esset destructio & annihilatio ipsius hominis ad Dei honorem & cultum, illam etiam vellet & permitteret; quam conditionem nullo modo potest velle dolor ex motivo spei, utpote fundatus omnino in amore proprio, quo volumus Deum nobis ut bonum nostrum: ergo ex hoc capite majorem habet proportionem dolor ex motivo religionis ut disponat ad justificationem, quàm dolor ex motivo spei. Hactenus pro opinione, saltem minus probabilis.

130.
Quod ali-
quis actus
justificet,
non habet
ex natura
sua, sed ex
liberali Dei
voluntate.

Enimverò ad hæc omnia unico verbo responderi potest, quòd aliquis actus proximè disponat extra Sacramentum ad justificationem, haudquaquam id habere ex natura sua, sed magis ex liberali Dei voluntate, quàm voluit ad præsentiam hujus actus remittere peccatum,

& non illius; constat autem ex Concilio Trid. sess. 14. c. 4 hunc actum esse dilectionem Dei super omnia, dum soli Contritioni charitate perfectæ tribuit vim justificandi extra Sacramentum, de illa tantum intelligens (edoctum, ut credendam est, à Spiritu sancto) Scripturas, quæ sine expressa mentione motivi dilectionis, promittunt remissionem peccatorum veræ Pœnitentiæ, sive perfectæ averfioni à peccatis.

Porò Concilium ibi non agere de charitate habituali, sed de actuali, inde convincitur; tum quia agi de dispositione ad ipsam gratiam sive charitatem habitualement; nihil autem disponit ad seipsum: tum quia Contritionem perfectam distinguit ab imperfecta, quæ Attritio dicitur, non ex defectu habitus charitatis, sed quoniam vel ex turpitudine peccati consideratione vel ex gehemo & penarum metu communiter concipitur: ergo ex defectu motivi charitatis, adeoque sub Attritione comprehendit omnem dolorem, qui non procedit ex motivo charitatis, & ideo fortè dixit: *Communiter concipitur*, ut significaret præter illa motiva, ibi à se expressa, alia superesse, v. g. motivum religionis, obedientiæ, Pœnitentiæ specialis &c. quæ sint insufficientia ad justificationem extra Sacramentum.

Neque fortè tam difficilis est amor Dei super omnia, & per consequens Contritio ex motivo charitatis, quàm bene aliqui apprehendunt; ita ut Arriaga suprâ n. 17. putet probabilissimè dici quòd sit facilis odisse peccatum ex motivo charitatis, quàm obedientiæ, religionis, aut justitiæ; quia facilis possum apprehendere bonitatem Dei, ita ut eam amem, quàm bonitatem obedientiæ &c. licet enim in amore obedientiæ &c. ipsa persona amans sit objectum formale, cui illa bonitas operatur; in amore autem Dei nullo modo homo se ipsum amat, adeoque ex hac parte amor obedientiæ fit facilior; tamen quia illud bonum morale reperitum in obedientiâ, est valde à nostris sensibus alienum, & minus apprehensibile à nobis, quàm bonitas Dei, quæ supponitur ab omnibus apprehendi etiam rudioribus; hinc fortè facilis erit odisse peccatum, quia offensa Dei summè boni, quàm quia contra honestatem obedientiæ mihi moraliter bonam, aut certè æquè difficile.

Et dato quòd esset difficilior, ideo Christus in nova lege instituit Sacramentum Pœnitentiæ, in quo inferior dolor disponit peccatorem ad Dei gratiam impetrandam; proinde congruentius fuit extra Sacramentum relinquere justificationem difficilior, ut homo frequentius & libentius illud Sacramentum adiret, cogitans si fortè superveniat periculum vitæ, aliis viis non tam facile se justificandum.

Quantum

Quantum ad communem apprehensionem fidelium, illa incerta est, & sepe oritur ex ignorantia, praesertim in rudioribus, qui non noverunt distinguere inter illas virtutes, & earum motiva, & magis frequenter dolent ex consideratione turpitudinis peccati, vel ex gehennae & poenarum metu: doctores autem cum fiant illam sententiam vix probabilem, indubie conantur detestari peccatum ex motivo charitatis, & non ex motivo obedientiae, religionis &c.

Restat auctoritas Scoti, propter quam Hiquerus ibi in suo Commentario n. 122. asserit: Contritio non requirit ut sit actus elicitus à charitate, sed sufficit ut sit imperatus.

Et sane Doctorem nostrum illo loco minime subscribere sententiam Durandi, ostenditur ex postremis verbis, scilicet: *Potest etiam ista detestatio esse totaliter circumstantionata circumstantiis moraliter debitis &c.* Porro una ex illis circumstantiis secundum Scotum est motivum charitatis; nam eadem dist. q. 1. n. 19. sic ait: *Sed ad hoc quod dicitur de Iuda: Respondeo quod non quicumque actus penitendi sufficit ad deletionem peccati, ut patet ex sequenti questione, sed oportet quod sit actus ordinatus, & maxime ex circumstantia finis, qua prima est inter circumstantias actus moralis. Iudas autem non penitit cum ista circumstantia, id est, ex dilectione Dei.*

Igitur Contritio justificativa extra Sacramentum, exigit ad minus, quod sit imperata à charitate.

Porro quod imperium sufficiat, probat Hiquerus supra n. 123. quia actus iustitiaeque virtutis, seu ex objecto bonus, si sit perfectus & imperatus à charitate, non potest dici imperfectus in genere moris aut perfectionis: ergo dolor elicitus v. g. à virtute spei, & imperatus à charitate, non est dolor imperfectus, qualem vocat Tridentinum Attritionem; ut distinguitur contra Contritionem, quae sanctificat extra Sacramentum.

Antecedens probatur: ille actus est perfectior, quam actus elicitus à sola charitate; sed hic nequit dici Attritio: ergo &c. Probat Major, ille actus participat perfectè recititudinem utriusque virtutis, quia bonitatem spei ex objecto, charitatis ex fine & motivo principali, ex quo imperatur; sed participans perfectionem duarum virtutum perfectè, est in se perfectior in genere dispositionis & meriti de congruo, & magis acceptatur ex lege disponente salutem per opera, quam is, qui unius virtutis participat bonitatem; ergo &c.

Major est evidens, quia imprimis actum participare bonitatem sui objecti est primum notum in moralibus, quia ex hoc perfectio & distinctio virtutum, atque mutus excessus colligitur; sed nec minus notum est actum participare perfectè & magis propriè, spectatà voluntatis inclinatione, bonitatem sui finis;

quia illud motivum magis specificat actum hoc modo in esse morali, quod magis determinat voluntatem ad eius productionem, finis autem magis determinat, quam objectum, quia propter finem solum, & amorem eius movetur voluntas; unde illud vulgare, quod est Philosophi: *Qui suatur propter machari, magis est mechus, quam fur.*

Ex quo sic argumentor ad confirmationem prioris: si detestatio eliceretur à charitate & imperaretur à Poenitentia, esset perfecta Contritio; ergo à fortiori si imperaretur à charitate. Patet Consequentia: quia sic perfectius participaret perfectionem charitatis, quia hic per modum finis, ibi per modum objecti tantum. Haecenus Hiquerus satis obsecure.

Interim addo confirmationem aliquam ex Doctore Subtili, dist. 14. q. 2. n. 17. ubi sic legitur: *Si quaratur de illis quatuor actibus praedictis (puta vindicare peccatum committum, detestari peccatum committum; acceptare poenam inflictam, & patienter ferre poenam inflictam) comparando inter se, quis eorum sit simpliciter dispositio magis conveniens ad deletionem peccati; Respondeo, quando ex pluribus virtutibus & perfectioribus actus elicitur, tanto est melior actus: ergo primus si eliceatur à sola iustitia mediate vel immediate, & secundus actus vel tertius eliciatur ab alia virtute perfectiori, utpote à charitate; patet quod secundus vel tertius erit excellentior primò.*

Sed si iustitia imperans actum in primo modo, moveatur ad suum imperium ex actu charitatis, sicut dictum est supra p. sibile esse; tunc actus primus habet duplicem bonitatem, & ex iustitia proxima imperante, & ex charitate remota imperante actum illum. Similiter si iustitia imperet in primo modo usum charitatis, ut causa proxima respectu iustitiae inherens, actus ille charitatis eo est perfectior, quia à duabus virtutibus, quam si ab una tantum.

Ergo secundum Scotum actus elicitus à virtute spei, & imperatus à virtute charitatis, est perfectior, & per consequens dispositio magis conveniens ad deletionem peccati, quam actus tantum elicitus à virtute charitatis. Ergo si Contritio elicità à virtute charitatis reconciliat priusquam Sacramentum actu suscipiatur, magis justificabit Contritio elicità à virtute spei, & imperata à charitate.

Resp. si charitas imperans talis ac tanta sit, ut per se sufficiat ad justificationem, quid mirum si Contritio tunc magis justificet, cum jam inveniat subjectum suum justificatum per actum amoris praeivitum, adeoque non sit tantum meritum de congruo, sed verè meritum de condigno gratiae & vitae aeternae? Verum de hac Contritione non videtur loqui Concilium Tridentinum, quoniam non reconciliat peccatorem, sed invenit reconciliatum; Concilium autem agit de tali Contritione, cui adscribenda est reconciliatio, ut patet ex eius verbis.

Finis principis movet

138. Quanto ex pluribus virtutibus & perfectioribus actus elicitur tanto est melior actus Scoti.

139. An actus elicitus à virtute spei & imperatus à charitate sit perfectior actu charitatis.

Talis actus justificabit, si actus imperans per se sufficiat.

LIBRO

140. alius non.

Responso ad argumentum Hiquai.

Actus internus non participat ab actu imperante nisi bonitatem extrinsecam.

Quis sit finis intrinsecus virtutis.

Charitas imperans non potest dare actui imperato finem pernaturalitatem.

141. Replica.

Solvitur.

142. Explicatur illud Philof. Qui furatur propter mœchari.

Si dixeris, charitas imperans per se non sufficit. Respondeo ego, nec tunc sufficere cum actu imperato Contritionis, elicita ex motivo spei, aut alterius virtutis inferioris. Ad argumentum autem Hiquai dico, primum notum esse in moralibus, actum imperatum non participare perfectè rectitudinem actus imperantis, nisi velimus concedere actum naturalem, imperatum à charitate, præcellere actum supernaturalem elicitem à charitate, quod manifestè absurdum est.

Est ergo participet actus internus aliquam bonitatem ab actu imperante (quod solum probabile est, ut notat Marginale ad locum Scoti ultimò citatum) certè non nisi bonitatem extrinsecam, seu perfectionem accidentalem, tamquam à motivo & fine extrinsecò (quem Theologi appellant finem operantis) quæ longè inferior est illà bonitate & perfectione, quam actus elicitus accipit à virtute elicente, cum hæc bonitas sit intrinseca & essentialis desumpta ab honestate illius virtutis, non solum ut objecto, sed etiam ut fine intrinsecò (qui solet vocari à Theologis finis operis) siquidem finis intrinsecus cujuscumque virtutis est ipsum objectum formale, sive honestas propria illius virtutis.

Igitur bonitas supernaturalis actus eliciti à charitate, simpliciter est perfectior bonitate naturalis Penitentia, etiam imperata à charitate. Enimverò quantamcumque perfectionem dixeris charitatem imperantem tribuere actui imperato, indubitatum est non posse dare supernaturalitatem, quam tamen confert tamquam causa efficiens supernaturalis, actui à se elicito.

Si replices: actus spei est supernaturalis, ergo saltem Contritio ex motivo spei sufficit accedente imperio charitatis.

Respondeo negando Consequentiam; licet enim huiusmodi Contritio sit actus supernaturalis, non tamen supernaturalis charitas, essentialiter & intrinsecè, sed tantum denominatione extrinsecà, quia à charitate supernaturali imperata; adeoque minus perfecta in genere dispositionis, & meriti de congruo & condigno, & minus acceptata ex lege, disponente salutem per opera, quam illa Contritio, quæ intrinsecè & essentialiter est actus supernaturalis charitatis. Ecce argumentum Hiquai ad oppositum.

Unde illud vulgare, quod est Philofophi: Qui furatur propter mœchari, magis est mœchus quam fur, nihil aliud importat, quam quod in illo actu magis sit volitum adulterium, quam furtum; interim potest esse major malitia, quæ ex medio, quam quæ ex fine desumitur, v. g. si quis velit furari mille aureos propter simplicem fornicationem: ergo consimiliter poterit esse major bonitas, quæ ex medio, quàm quæ desumitur ex fine extrinsecò, v. g. si quis velit elicere amorem Dei super omnia ex fine seu motivo specialis Penitentia, id est, ut loquitur Scotus supra: si inflata (vindictiva, qualis est Penitentia specialis secundum ipsum) imperet usum charitatis ut causa proxima inhaerente tristitia, tamen actus ille charitatis, ut ibidem docet Scotus, cò sit perfectior, quia à duabus virtutibus quàm si ab una tantum, equidem non dubito majorem habere bonitatem ex medio quàm ex fine; res plana est, quia ex medio habet bonitatem supernaturalem, ex fine autem tantum naturalem.

rem Dei super omnia ex fine seu motivo specialis Penitentia, id est, ut loquitur Scotus supra: si inflata (vindictiva, qualis est Penitentia specialis secundum ipsum) imperet usum charitatis ut causa proxima inhaerente tristitia, tamen actus ille charitatis, ut ibidem docet Scotus, cò sit perfectior, quia à duabus virtutibus quàm si ab una tantum, equidem non dubito majorem habere bonitatem ex medio quàm ex fine; res plana est, quia ex medio habet bonitatem supernaturalem, ex fine autem tantum naturalem.

Igitur libenter fateremur cum Doctore Subtili, tantò esse meliorem actum, sive externum (de quo fortè loquitur Scotus, ut notat Marginale, & Scolium præfixum illi loco) sive etiam internum (de quo nos hæc agimus) tantò, inquam, esse meliorem, quantò ex pluribus & perfectioribus virtutibus elicitor vel imperatur, adeoque actum spei imperatum ab actu charitatis esse perfectiorem actu spei, qui non imperatur ab huiusmodi actu charitatis; & pariter detestationem peccati imperatam à charitate, & speciali virtute Penitentia, esse meliorem, quàm si ab altera tantum virtute imperaretur; sed negamus istam Consequentiam: ergo actus spei imperatus ab actu charitatis est perfectior & melior, quàm actus elicitus à sola charitate.

Ratio mea est, quia perfectio alicujus actus non tantum desumitur à multitudine virtutum imperantium vel elicentium, sed etiam à præstantia istarum virtutum, ut optimè notavit Scotus supra dicens: *Quantò ex pluribus virtutibus, & perfectioribus &c.* Nam indubiè melior est actus, qui imperatur à iustitia & charitate, quàm qui imperatur à iustitia & spe. Jam autem fieri potest, ut una virtus elicentis hunc actum præstet pluribus virtutibus elicentibus aut imperantibus istum actum, v. g. virtus supernaturalis charitatis, pluribus virtutibus naturalibus, ut iustitia, & obedientia, & per consequens actus elicitus à virtute supernaturali charitatis, erit perfectior & melior, quàm actus elicitus aut imperatus ab obedientia, & iustitia.

Et verò quoniam charitas multis gradibus superat virtutem spei, ac præterea perfectio sive bonitas, quam communicat actibus imperatis, longè inferior est perfectione & bonitate, quam tribuit actui à se elicito, hinc fit quòd Contritio elicita à virtute charitatis perfectior sit & melior, quàm Contritio elicita à virtute spei ex imperio charitatis, ac proinde ista sufficiat ad reconciliandum peccatorem extra Sacramentum, hæc non nisi in Sacramento.

Sed dicit aliquis; per imperium charitatis opera moraliter bona sunt meritoria vitæ æternæ; idque quia participant bonitatem actus imperantis, & accipiunt inde dignitatem ordinis supernaturalis, etsi alioquin in se forent

141. Actus spei imperato à charitate est perfectior actu spei non imperato, scilicet actu elicito charitatis.

146. Qui bonitas non est re ipsa dignitas, nisi in virtute.

144. Probatur, quia perfectio actus non tantum à multitudine virtutum, sed etiam à præstantia virtutum.

147. Charitas imperans non potest dare actui imperato finem pernaturalitatem.

Constitutio.

145. Obiicit, quod per imperium charitatis opera moraliter bona sunt meritoria vitæ æternæ.

forent improporcionata ad tantam mercedem : ergo contumiliter Contritio elicitur ex motivo spei, iustitiae, religionis &c. quamvis alioquin foret improporcionata ad remissionem peccatorum extra Sacramentum, fiet proporcionata per imperium charitatis.

Resp. negando Consequentiam, & assignationem disparitatis; quia plus est meriti de congruo infallibilem remissionem peccatorum extra Sacramentum, quam de condigno augmentum gratiae & vitae aeternae. Quod sic probatur; quia secundum multorum opinionem valde probabilem, actus spei supernaturalis in homine iusto, seculo omni imperio charitatis, perfecta est meritorius vitae aeternae; & tamen improbabiler dicitur, huiusmodi actum reconciliare peccatorem Deo, antequam Sacramentum actu suscipiatur.

Nec id mirum videri debet, nam opus bonum hominis iusti, non tantum dignificatur ab imperio charitatis, sed forte magis ex gratia habituali, per quam operans constituitur in statu adoptionis filiorum Dei, & haec secundum spem vitae aeternae.

Audiamus Concilium Trid. sess. 6. can. 32. Si quis dixerit hominis iustificati bona opera, ita esse dona Dei, ut non sint etiam bona ipsius iustificati merita, aut ipsam iustificatum bonis operibus, quae ab eo per Dei gratiam & Iesu Christi meritum, cuius vivum membrum est, sunt, non vere mereri augmentum gratiae, vitae aeternae; & ipsius vitae aeternae, si tamen in gratia decesserit, consecutionem, atque etiam gloriam augmentum; anathema sit.

Ubi generaliter bonis operibus hominis iustificati per Dei gratiam factis, attribuit meritum augmenti gratiae, & vitae aeternae, nullam factam mentionem imperii charitatis, ut vult Vasquez dist. 217. n. 32.

Ergo, concludit ille, frustra nos & absque fundamento postulamus relationem illam in finem charitatis. Cumque absque ulla limitatione de bonis operibus iustorum asserat, esse meritoria vitae aeternae; quam obsecratione ad certum genus bonorum operum verba ipsius restringemus? Quin imò qui ad rationem meriti amplius ab homine iusto requirit, praeter ea quae dicta sunt, aut ad certum genus operum bonorum definitionem Concilii restringit, verbis ipsius non obscure adversari videtur. Haec Vasquez.

Cujus licet sententiam non sequor, equidem ad hoc servit mihi, ut ostendam aliquid amplius requiri ad actum meritorium de congruo primae iustificationis extra Sacramentum, quam ad actum meritorium de condigno augmenti gratiae, & vitae aeternae. Nullus quippe docet cuiuslibet operi bono ex gratis Dei facto, immo in Deum relato, promissam esse remissionem peccatorum, sicuti omnes docent cuiuslibet operi bono hominis iustificati, in Deum per charitatem relato, promissam esse vitam aeternam.

Igitur non bene sequitur, per imperium charitatis opus moraliter bonum hominis iusti, fit meritorium de condigno augmenti gratiae, & vitae aeternae: ergo per imperium charitatis, quae per se non sufficit ad remissionem peccatorum, quolibet Contritio hominis peccatoris fit meritoria de congruo remissionis infallibilis peccatorum extra Sacramentum.

Dico rursum, Quae per se non sufficit ad remissionem peccatorum; quia illa, quae per se iustificat, nequaquam amittit vim suam ex confortio Contritionis; quin imò elevat Contritionem, quae ex ipsius imperio elicitur, ad meritum condignum augmenti gratiae & vitae aeternae, cum iam sit opus bonum hominis iustificati, in Deum per charitatem relatum.

Nec fatiscias, si respondeas, amorem se solo non iustificare, sed complexum ex amore & dolore; hoc enim est quod queritur, & à nobis negatur, nisi dolor fuerit ex eodem motivo amoris elicitus; siquidem Concilium Trident. ut supra insinuaui, distinguit Contritionem ab Attritione non per imperium charitatis; nam etiam Attritio potest imperari à charitate (immo secundum aliquos debet imperari) cum sit opus bonum & placens Deo; sed per motivum intrinsecum, quod aliud non potest esse, quam motivum dilectionis Dei super omnia; & ideo vocat eam Concilium Contritionem charitate perfectam; non ait, à charitate imperatam, sed, charitate inquit, perfectam, scilicet intrinsecè & essentialiter, cum accidentaliter perfectio charitatis etiam possit competere Attritioni; & secundum aliquos debeat.

Dices: hic locus videtur nimis multum probare; nam supponit ibi Concilium ipsam Contritionem perfectam posse esse aliquando charitate formatam, aliquando verò non; id enim manifestè denotant ea verba: *Essi Contritionem hanc aliquando charitate perfectam esse contingat.*

Respondeo, illa verba manifestè denotant stupiditatem illius objectionis. Quid enim stupidius, quam ly *Hanc* referre Contritionem perfectam? Sic enim sensus Concilii esset: *Essi Contritionem perfectam contingat aliquando esse charitate perfectam, cum tamen in prioribus verbis nullam fecerit mentionem Contritionis perfectae, sed Contritionis in genere, nullam prorsus motivum in particulari pro ea exprimens; sed simpliciter definiens eam hisce verbis: Animi dolor ac desidia est de peccato commissio, cum proposito non peccandi de aeterno.*

Illam ergo Contritionem sic definitam refert ly *Hanc*, eamque Concilium asserit aliquando esse charitate perfectam, id est, elici ex motivo intrinsecò dilectionis Dei super omnia; aliquando verò ex motivo inferiori, spei v. g. aut alterius virtutis moralis; non quasi

148. Conclusio.

Contritio non distinguitur ab Attritione, quia per imperium charitatis.

Objectio.

Responsio.

amissio A

Explicitur hac verba Trident.

Essi Contritionem hanc esse, &c.

Sub- rnum Mar-) five tan- r vel am ab , qui aris; am à , esse rtute quen- hari- nis eli- actus utum pra- tavit ruti- elior ate, & au- nunc bus rtus bus per atu- am & bus ctio im- ni- e fit per- ta à nde ex- ato- ratis vitæ tem ita- in se rent

143. Actus spei imperari à charitate et perfectio actus spei non imponit, sed actus elicitus charitatis.

144. Probatur, quia perfectio actus spei non tantum à multitudine, sed etiam praesentia virtutum.

145. Obiectio, quod per imperium charitatis opera sunt meritoria vitae aeternae.



quasi eadem numero Contritio nunc possit esse perfecta, postea verò imperfecta, velè contra, sed quia contingit aliquando, Contritionem secundum rationem genericam contrahi ad dolorem ex motivo charitatis, aliquando ad dolorem ex alio motivo inferiori, sicut contingit animali esse rationale, & irrationale; non quasi huic numero animali sit accidentalis rationalitas, aut irrationalitas; sed quia animal ut sic potest esse rationale, & potest esse non rationale.

Itaque, salvo meliori, existimo Contritionem charitate perfectam, necessariò debere esse actum elicatum dilectionis Dei super omnia, Deo sic volente. Quare autem sic voluerit, penes ipsum est. Aliqui assignant rationem congruentiæ; quia sicut fides non restituitur nisi per aliquem actum fidei, neque spes nisi per actum aliquem spei, ita non debuit restitui charitas, quæ expellitur per quodlibet peccatum mortale, nisi per actum aliquem dilectionis. Quod intelligendum est secluso speciali privilegio Sacramenti, aut Martyrii.

Quapropter minus bene rejicit hanc congruentiam Arriaga disp. 6. n. 29. Quia, inquit, si bona esset, deberet etiam probare intrà Sacramentum requirendam Contritionem perfectam, quia etiam tunc recuperatur charitas, quæ expulsa fuerat per peccatum mortale, sed frustra. Planè recuperatur, sed non per solam Contritionem imperfectam, sed per Sacramentum, quod Christus singulari benevolentia instituit, ad supplendum defectum charitatis, quæ antea ex ordinatione divina requirebatur.

Neque valet alia impugnatione ejusdem Auctoris ibidem: Quia, inquit, estò quis amisisset spei habitum per actum desperationis, ad conversionem tamen non requiritur in rigore ullus actus spei; si enim per Attritionem ex timore pœnarum inferni, estò non eliceret actum spei positivè, sed per fidem crederet se posse justificari, confiteretur tamen, verè reciperet habitum spei: ergo etiam si per peccatum adhuc directè oppositum charitati, expulisset quis charitatem; non tamen ideo necessum est ad recipiendam eandem charitatem habituales, elicere actum charitatis. Hæc ille.

Sed non videtur attentè legisse Concilium Trident. quod sess. 14. c. 4. ad Contritionem imperfectam, quæ Attritio dicitur, requirit positivum actum spei dicens: Illam verò Contritionem imperfectam, quæ Attritio dicitur, quoniam vel ex turpitudinis peccati consideratione, vel ex gehennæ & pœnarum metu communiter concipitur, si voluntatem peccandi excludat, cum spe veniæ; declarat &c. Ergo qui amisisset habitum spei, non reciperet illum sine actu positivo spei, estò crederet per fidem se posse justificari, & per Attritionem ex timore pœnarum inferni constitueretur.

Vel fortè existimas fidem illam esse spem veniæ? Falleris. Attende, quod dicit Tridentinum sess. 6. c. 6. ubi de modo præparationis ad justitiam: Fidem, inquit, ex auditu concipientes, liberè moventur in Deum, credentes vera esse quæ divinitus revelata & promissa sunt; atque illud in primis, à Deo justificari impium per gratiam eius, per redemptionem, quæ est in Christo Iesu. Ecce actus fidei, quo homo credit se posse justificari.

Sequitur spes veniæ: Et dum peccatores se esse intelligentes, à divina iustitia timore, quo viliter concutuntur, ad considerandam Dei misericordiam se convertendo, in spem eriguntur, fidentes Deum sibi propter Christum propitium fore.

Tertiò arguit Arriaga contra hanc rationem: potest homo sine ullo actu spei per solum amorem Dei super omnia justificari, quo casu etiam sine ullo actu spei restitueretur habitus ipsius spei; imò habitus omnium aliarum virtutum infusarum, si tales dentur.

Respondeo, omnino restituerentur sine actu spei, sed non sine actu perfectiori. Et sane cui sufficit actus imperfectior, quidni sufficiat actus perfectior? Sed numquid datur actus perfectior charitate, ratione cujus Deus merito moveatur ad restituendum habitum charitatis? Numquam talem audivi.

Ceterum quod addit Arriaga, illum excessum perfectionis habitus & actus charitatis, malè appellari eminentialem seu virtuales continentiam aliarum virtutum, quæstio est de nomine, de qua parùm curandum, quando constat de re: fatemur habitum charitatis non producere habitus aliarum virtutum, nec actum charitatis actus aliarum virtutum; & si hoc putas requiri ad illam appellationem, patet sic habitum & actum charitatis, non continere eminenter & virtualiter habitus & actus aliarum virtutum: si autem dixeris sufficere, quòd charitas sit virtus nobilior, quòd sit forma omnium aliarum virtutum, quòd identificetur gratiæ justificanti (secundum sententiam Scoti) à qua omnes habitus infusi in suo connaturali esse, ut vult Arriaga supra n. 31. dependet, liquet profectò optimè dici charitatem virtualiter & eminenter continere alias virtutes, tam supernaturales, quàm naturales.

Et hinc fit, ut per peccatum magis directè, secundum nostra principia, expellatur (estò tantum demeritorie) habitus charitatis, quàm aliarum virtutum; hæc siquidem, veluti solum concomitantem, & quasi proprietates connaturales gratiæ, in justificatione infunduntur, ipsa autem gratia principaliter & directè; ita quoque solum concomitantem & indirectè per peccatum mortale expelluntur; ipsa autem gratia sive charitas habitualis principaliter & directè. Ergo conveniens fuit ut secluso speciali privilegio, charitas habitualis non restitueretur, nisi per actum charitatis.

152. Contritio charitate perfecta debet esse actus elicatus dilectionis Dei super omnia. Ratio congruentiæ.

quam impugnat Arriaga.

sed frustra.

153. Alia impugnatione ejusdem Auctoris.

Rejicitur.

Ad Attritionem requiritur Contritio actum positivum spei.

154. Fides, quæ creditur esse justificans, non est spes veniæ, sed est Tridens.

155. Tertiò arguit Arriaga.

Respondeo.

156. Habitibus charitatis rectè dicitur continere eminenter habitus aliarum virtutum.

160. Peccatum mortale expellit habitum charitatis, quoniam aliarum virtutum.

157. Peccatum magis directè expellit habitum charitatis, quàm aliarum virtutum.

Accedit;

Accedit, quod peccatum mortale sit maximum malum Dei, & ex parte hominis summa Dei injuria & offensa; ac proinde venia, quae ipsi offertur, maximum Dei beneficium: quare omnino convenit ut haec solum concedatur peccatori sub obligatione nobilissimi actus, quem potest, efficiendi: talis autem actus est amor Dei propter se super omnia.

Hic ergo requiritur, nisi defectum suppleat specialis favor, ut in Martyrio & Sacramento: in hoc quidem propter merita Christi Institutoris, quae per Sacramentum specialiter hominibus applicantur; in illo vero propter difficultatem operis externi & heroicam fortitudinem, quae requiritur ad mortem pro Christo subeundam. Fortè etiam difficultas Confessionis, quae aliquibus videtur satis magna, aequalis fuit ratio majoris facilitatis obtinendi veniam peccatorum per solum Attritionem in Sacramento Pœnitentiae.

His ita constitutis de dolore, qui elicitur ex motivo dilectionis Dei propter se super omnia, questio superest, an sicut hic dolor justificat extra Sacramentum absque alio actu dilectionis per modum prosecutionis, ita etiam justificet solus amor Dei propter se super omnia, sine formali & explicito dolore. Resolutio erit

CONCLUSIO V.

Solus amor Dei propter se super omnia, sine formali & explicito dolore, justificat extra Sacramentum, etiam memorem suorum peccatorum, si possit absque tali dolore Deum propter se super omnia amare.

Est communis; & probatur potissimum ex illis Scripturis, in quibus formali dilectioni nulla facta mentione Pœnitentiae seu doloris tribuitur efficacia remissionis peccatorum. Luc. 7. v. 47. Remittuntur ei peccata multa, quoniam dilexit multum; cui autem minus dimittitur minus diligit. Proverb. 8. v. 17. Ego diligentes me diligo. Eccli. 34. v. 15. Oculi Dei in diligentes se. Joan. 1. c. 4. v. 7. Omnis qui diligit, ex Deo natus est. Et v. 16. Deus charitas est, & qui manet in charitate, in Deo manet, & Deus in eo. Joan. 14. v. 21. Qui autem diligit me, diliget me a Patre meo. Et v. 23. Si quis diligit me, sermonem meum servabit, & Pater meus diligit eum & ad eum veniemus (per gratiam sanctificantem) & opad eum mansionem faciemus. Zach. 1. v. 3. Convertimini ad me, ait Dominus exercituum, & convertar ad vos, dicit Dominus exercituum. Quis

autem sanæ mentis dubitare potest, quin per solum amorem Dei propter se super omnia, homo perfectè convertatur ad Deum? Ubi ergo Dominus bonus est, non sit nequam oculus noster, invidens remissionem peccatorum his, quibus Deus illam promisit.

Nec obstat quòd in aliis locis Scriptura meminerit Pœnitentiae, tamquam necessariae ad remissionem peccatorum; Ezech. 18. v. 30. Convertimini & agite pœnitentiam ab omnibus iniquitatibus vestris, & non erit vobis in ruinam iniquitas. Luc. 13. v. 3. Nisi pœnitentiam habueritis, omnes similiter peribitis. Act. 2. v. 38. Pœnitentiam agite, & baptizetur unusquisque vestrum.

Ex quibus Scriptoris concludit Concilium Tridentinum sess. 14. cap. 1. Fuit Pœnitentia universis hominibus, qui se mortali aliquo peccato inquinassent, quovis tempore ad gratiam & iustitiam assequendam necessaria. Et cap. 4. Fuit quovis tempore ad impetrandam veniam peccatorum hic Contritionis motus necessarius. Hic, inquam, Contritionis motus, id est, animi dolor & detestatio de peccato commisso cum proposito non peccandi de cetero.

Hæc, dico, non obstant Conclusioni, quia commodè intelligi possunt, immo debent, de Pœnitentia formali & explicita vel actu æquivalente, qualis est dilectio Dei propter se super omnia: alioquin cui nullum peccatum occurreret in genere, vel in specie, non posset justificari, & per consequens non salvari. Patet, quia peccatum est objectum terminativum explicitæ & formalis Pœnitentiae, potè sine objecto terminativo impossibilis est actus, ut omnes fatentur. Quis autem credat in tali homine salutem omnino esse impossibilem?

Possibile esse, in terminis docet Scotus 4. dist. 14. q. 1. n. 17. ibi: Intelligitur etiam Conclusio de requiri non simpliciter necessario casus oppositum includit contradictionem: quia posset Deus remittere (peccatum mortale) sine omni actu illius, cui remittitur. Sed nec de requiri necessario, supposito actu hominis, cui remittit; posset enim Deus remittere per aliquem motum ferventem dilectionis in Deum absque quocumque; quatuor prædictorum actuum (loquitur de actibus Pœnitentiae) sub propria ratione, utpote in actu fervoris ad Martyrium statim sustinendum, ubi forte non esset cogitatio de aliquo peccato mortali prius commisso, nec per consequens aliquod penitere prædictum, & hoc formaliter, licet virtualiter in illo motu esset penitere iuxta secundam significationem, id est, detestatio de peccato commisso.

Et istud probatur (prosequitur Doctor n. 18.) quia nullus excluditur à regno celorum, qui facit illud, quod simpliciter est necessarium: sed est possibile aliquem usque ad instanti A. existentem in peccato mortali, ab instanti A. necessitari ad voto corde insistentem circa actus distrabentes à cogitatione de peccato commisso, utpote statim exposito Martyria

167. Objectio ex Scriptura. Ezech. 18.

Luc. 13. Act. 2.

168. & Concil. Trident.

162. Responsio, quod Scriptura & Conc. intelligi debent de Pœnitentia explicita vel actu æquivalente.

163. Homo impenitens peccatorum potest justificari ex voto.